


ՄԱՀԱԳՐԱԿԱՆ



ԱՐՇԱԿ ԳԵՈՐԳԻ ՍԱԴՈՅԵԱՆ

(1.07.1938—22.02.2021)

Կեանքի 82-րդ տարում ի ՏԷՐ մնչեց ակա-
նատու հայագէտ եւ «Էջմիածին» ամսագրի
բազմալստակ խմբագիր Արշակ Գեորգի
Սադոյեանը:

Յիշատակն արդարոյն օրհնութեամբ եղիցի:

Կենսագրութիւն

Ռնուել է 1938 թ. յուլիսի 1-ին Ախալքալաքում: 1945—1953 թթ. ուսանել է ծննդավայրի՝ Յովհ. Թումանեանի անուան հայկական միջնակարգ դպրոցում, տեղափոխուելով Երեւան՝ 1956 թ. աւարտել է Ղազարոս Աղա-
յեանի անուան միջնակարգ դպրոցը, 1961-ին՝ ԵՊՀ բանասիրութեան ֆա-
կուլտէտը:

1972 թ. պաշտպանել է ատենախօսութիւն՝ «Առաքել Սիւնեցի. Բա-
նաստեղծը» վերտառութեամբ, ստացել բանասիրական գիտութիւննե-
րի թեկնածուի աստիճան, 1985-ին դոկտորի՝ «Միջնադարեան հայկա-
կան պօէմը» ուսումնասիրութեան հրապարակային պաշտպանութեան
համար: 1996-ին նրան շնորհուել է պրոֆէսորի կոչում: Նոյն թուականից
անդամակցել է Հայաստանի գրողների միութեանը:

1962—1966 թթ. աշխատել է ԵՊՀ հրատարակչութիւնում, 1966 թուա-
կանից՝ «Բանբեր Երեւանի համալսարանի» հանդէսի խմբագրական
խորհրդում, 1972-ից նաեւ՝ ԵՊՀ հայագիտական հետազօտութիւննե-
րի գիտական կենտրոնում, որի վարիչն է եղել 1986—2006 թթ.: 2006—
2009 թթ. աշխատել է ՀՀ ԳԱԱ Մ. Աբեղեանի անուան գրականութեան

ինստիտուտում: Հայ մատենագրութիւն է դասականդել Մայր Աթոռ Սուրբ Էջմիածնի Գէորգեան հոգեւոր ճեմարանում եւ Երուսաղէմի Ժառանգաւորաց վարժարանում ու Ընծայարանում: 2009–2015 թթ. «Էջմիածին» ամսագրի գլխաւոր խմբագիրն էր, համատեղութեամբ (1992–2009 թթ.) եղել է նաեւ «Բանբեր Երեւանի համալսարանի» հանդէսի գլխաւոր խմբագրի տեղակալ:

Հեղինակ է հայ հին եւ միջնադարեան գրականութեան ու մշակոյթի պատմութեանը նուիրուած հինգ հարիւրից ավելի յօդուածների ու հրապարակումների, գրքերի ու մենագրութիւնների

2008 թուականին ձեռամբ Ն. Ս. Օ. Տ. Տ. Գարեգին Բ. Ամենայն Հայոց Կաթողիկոսի պարգեւատրուել է Հայ Առաքելական Եկեղեցու «Ս. Սահակ–Ս. Մեսրոպ» շքանշանով:

